



ELEGIA

Pridie Exsequiarum ad convocandam Con-
cionem Academiæ valvis Loco Program-
matis affixa.

RECTOR ET SENATUS ACADEMICUS

L. B. S.

 *Omnia quæ tantis meditamur gaudia
curis,*

Tam rerum velox orbis in orbe rotat?
Discite, mortales, parce gaudere, monemus;
Et parce querula voce dolere vices.
Sæpe nimis furva circum caligine fusi
Casibus incertis credula turba sumus.

K

Blan-

*Blanda simul zephyris tumefecit vela secundis,
Leniter & nostram promovet aura ratem,
Grandia concipimus, veluti latura perenni
Lætitiam nobis prosperitate diu.
Mox ubi densetur, cæpitque nigrescere cælum,
Spes omnis, robur mentis & omne cadit.
Siccine tam longis hebetes profecimus annis,
Totius & mundi conditione nihil ?
Quos meliora dies potuisset quælibet olim
Reddere prudentes, quælibet hora docens ;
Ut neque, si facilis Sors rideat ore sereno,
Infatuet nimius pectora nostra tumor :
Nec, Nemesis rigido si terreat horrida vultu,
Debilitet nimius pectora nostra timor.
Summa cadunt subito; lapsuque resurgere possunt
Infima. perpetuas cernimus esse vices.
Visa diu felix Augusti Cæsaris alta
Cladibus afflita est quotque quibusque
domus !
Marcellus cecidit, pulchri cecidere nepotes,
Et subita celebres occubuere nece.*

Ille

*Ille potens Urbis flevit moderator & Orbis
Tot sibi carorum tristia fata Senex.
Postremo, triplicis qui rexerat orbis habenas,
Accessit simili jussus obire dolo.
Ipse pater refluo Tiberinus inhorruit amne,
Et sparsit laceras uda per ora comas.
Credibile est etiam, septem tot biantia montes
Vulnera ferali clam gemuisse sono.
At tu mirari tantas, Tiberine, reducto
Desine turbati gurgitis amne vices.
Desine res alto lugere cacumine lapsas,
Ne casus veteres esse reare novos.
Nosti etenim, nosti, diuturni temporis usu,
Et memor es senii pro ratione tui,
Scipiadæ quantas, Martis duo fulmina, quonam
dam
Mutata tulerint conditione vices ;
Afra quibus tellus, Asiaeque patentia victis
Contulerant populis regna perenne decus :
Quæ Syllis, Mariisque tuis, quæ millibus olim
Contigerint multis Ausonis orbe satis.*

K 2

Quam

*Quam modo floruerint titulis opibusque beati,
Ducentes sudos & sine nube dies :
Arenti penitus sortis modo flore faventis
Diversi fuerint dissimilesque sibi.*

*Nee quæ strata dolent, semper dolitura pu-
tandum ;*

*Nec male si nunc est, sic quoque semper erit.
Tempora Sithonias hiemes æstiva sequuntur.*

Nube redit pulsa sepe serena dies.

*Damma breves subeunt lunæ, reparantque vi-
cissim.*

*Labitur arboribus, lapsaque forma redit.
Sic age lætemur tristes quasi forte futuri,
Fortunæ dubia res agitante rota.*

*Sic quoque tristemur, ne spem simul auferat
omnem*

Mente nimis fracta sollicitudo pavens.

*At nos sæpe modo miseri peccamus utroque,
Quos sua caligo pernicioса premit.*

*Dum modo vana fides, modo desperatio vecors
Instabiles animos insipienter agit.*

Et

*Et quod tale potest, quo dignos esse negemus,
Mittere supremi Numinis ira malum?
Mente parum grata toties qui Vindicis ipsam
In fera cessantem cogimus arma manum.
Aut quod committi facinus potuisse putemus
Ut reprimi nequeat dextra severa Dei?
Dextra Dei vibrans nocuo letalia jaectu
Fulmina, degeneres admonitura sui:
Compositis eadem decumani fluctibus æstus
Factatæ rursus sepe benigna rati.
Sensimus hanc etiam repetito vulnere nobis,
Et cunctis, Musas qui coluere, gravem.
Spissa globo tristi nubes coëunte per auras
Visa fuit nondum detonuisse satis?
Qua levitate Tuas, Pater o, commovimus iras?
Crimina tam sœvam quæ meruere manum?
Quid loquimur? cur non potius meruisse fa-
temur?
Forsitan & fassis lenior hora venit.
Ecce brevi dirum geminatur tempore vulnus.
Altera surripitur jam tibi gemma, Themis,*

VIR EXCELLENTISSIMUS,
CONSULTISSIMUS ET CELEBERRIMUS
DN. HENRICUS
THEODORUS
A. A. F.
PAGENSTECHER,
JURIS UTRIUSQUE DOCTOR, ET EJUSDEM
IN ACADEMIA HAC REGIA DUISBURGENSI
PROFESSOR ORDINARIUS, AC
SENIOR;

*Hunc tu, Diva, tuis poteras inscribere fastis :
Hic tibi sacrata gente creatus erat.
Hujus & ipsa sagax monitrix intexere nomen
Jure suo poterat sancta Minerva peplo.
Abstulit ante diem Lachesis, quem torva vi-
debat
Quamlibet haud juvenem, non tamen esse
senem.
Abstulit hunc pulchris conatibus obvia semper,
Et secuit mediæ pendula fila coli.*

In-

*Invida, quid gaudes? quid inani more trium-
phas,*

*Et tibi de de strato, Parca, tropaea pa-
ras?*

*Non truculenta nimis, credas licet, abstulit
illum*

Dextera, non falcis lex violenta tuæ.

*Vivit in orbe recens, vivetque perennia sem-
per*

Tempora, nec Pylio qualia visa seni.

*Gratia Dis superis! in doctos dextera fætus,
In merita & famam nil tua juris habet.*

*Nos quoque, quantumvis mortales simus &
ipſi,*

Cum truce certamen Morte parare decet.

*Vocibus & Scriptis tibi jus minuemus, &
omni*

Lædendi vires eripiemus ope.

*Hoc celebrata VIRI Virtus, Probitasque,
Fidesque,*

Hoc animi dotes promeruere pii;

Qui-

*Quique simul propriis patriisque perambulat
orbem
Laudibus, ingenii fætibus auctus Honos.*

ORATIONEM FUNEBREM
CRASTINO DIE XII. JUNII ANNI HUJUS
CL^o CCC LII.
POST FINITAS RITE EXSEQVIAS
IN ACROATERIO MAJORE
EX
AMPLISSIMI SENATUS ACADEMICI
DECRETO

HABEBIT

JOANNES HILDEBRANDUS
WITHOF,
HISTORIARUM, ELOQUENTIÆ, ET GRÆCÆ
LINGUÆ PROFESSOR ORDINARIUS.

DUISBURGI AD RHENUM,

Typis JOAN. SEB. STRAUBII, Academ. Typogr.



213